



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

CV. Kurfürst Joachim und Markgraf Albrecht fordern die Gräfin von Eberstein auf, sich wegen der Baukosten, die sie wegen Driesen zu machen hat, endlich zu vergleichen, am 16. Februar 1504.

Nutzungsbedingungen

[urn:nbn:de:hbz:466:1-55359](https://nbn-resolving.org/urn:nbn:de:hbz:466:1-55359)

backhws mit einem beclewet fehartein. Item neben der Kuchen ein torm gebessert oben mit zweien gewelben. Item ein hws oben dem thor von X gebint, das haben die Barfuffen gebawet vnd stat vff der Alten Muren, das hat her Cristoff in der Holtzwerck gemuret vnd einfeldig gedeckt. Item ein Born im Slos von newe vff geschortzt. Item vir Zogbrucken, einsteils newe gebawt, auch eins teils gebessert. Item zwey verlorne Zewne vmb das Slos von eichen Stachen. Item dem graben zw Rewmen vmb das Slos. Item ein Zaun gemacht im Slos graben, auch ein verlorn Zaun. Item im vor Slos I stall als spikerwerck gebawt, XI gebint mit Zygel vffgeschluchten vnd mit Zigel gedeckt. Item dorneben ein thorthws von III gebinden. Item vmb den stall vnd Darhws ein graben gmacht, vngeferlich XX Ruden langk vnd einwendig kegen dem Slos mit Boln vffgefuttert. Item ein Torbuden tzwischen beiden graben in von V gebinden als spikerwerck gebawet, in holtz gemuret vnd mit Zygel gedeckt. Item im Zwenger etlich Flickwerck an etlichen ortern Zweier stein dick. Item als die Ringmure neder gefallen ist, sind etlich stein in den groben gefallen, sind aufgebracht. Item im Vorwerck ein korn hws von VII gebinden geklewet vnd mit Splete gedeckt. Item ein Zygel Schun mit einem ofen. Item das Slos einwendig gebrucket mit feltstein. Item vff solichen gebew haben die geschickten vnser gnedigen vnd gnedigsten Herrn Rethe, als nemlich der würdig Er Anthonius, abt zu Marienwald, Jorg quast, Hawshalter, Hanns Schonenbeck vnd claus Strutz, von der herschaft wegen der frawen, den Kindern vnd irn vormunden, als Mattis Lubtitz, 70 gulden vor das obgenante gebawte zugeben gebotten vnd sehen das dafur an, das es vor solich gebewte genug sey mit dem vorrath vnd hulff, so her Cristoff seliger von dem Lande vnd vnsern gnedigen Herrn gehabt etc. Item vff sage meister vrbans, des mürmeisters, ist dofelbs gemuret zu Drifen: Ein stuck mure, VIII ruden lang, II ruden hoch, von iglicher rude III gulden vnd costung dartzu, alle virtzehn tag III tonnen Bir. Item dofelbs sind zukomen VII ofn stein mit sampt dem torm, in itzlichen ofen sind XIII thussen stein gewesen, dauon zu brennen gegeben vnd zutreichen von iglichen ofen VII gulden etc.

Aus einer gleichzeitigen Aufzeichnung.

CV. Kurfürst Joachim und Markgraf Albrecht fordern die Gräfin von Oberstein auf, sich wegen der Baukosten, die sie wegen Driesen zu machen hat, endlich zu vergleichen, am 16. Februar 1504.

Von gottes gnaden Joachim, Churfürst etc., vnd Albrecht, gebruder, Marggrauen zu Brandenburg. Vnsern gunstlichen grus zuuorn. Wolgeborne vnd Edle vnd libe getrewe. Nachdem wir zu zweyen angesetztzen tegen der gebewde zu Drysen, derhalben wir mit euch Werung steen, dohin vnser Rethe gefertigt vnd ir vff dem ersten vberfetzlich vnd ytzt gehalten tag vngeschickt zum handell geworden seit vns nicht zu cleynem vncoften vnd schaden, des wir vns zu euch gestalt der sachen nicht versehen hetten, vnd damit der Handel sein entschafft neme; Ernennen wir euch einen andern tag, am Dinstag nach dem Suntag letare hierher zu kommen also geschickt, mitwochs darnach vor vnsern Rethen solcher gebewde halben laut gescheener besichti-

gung vnd verfassung entlichs handels zuwarten vnd nicht auffenzubleiben, weyter vncosten vnd schaden, so sunft darauffen entsteen mocht, zuorkomen, verlassen wir vns gentlich zugescheen, dann vns nicht leidlich sein will, damit den handel zuertzihen vnd vns das Slos also vffzhalten. Euch nach vnserer meynung wissen zu richten. Datum Coln, am Freitag nach valentini, anno etc. XV^c. quarto.

An die Grein von Eberstein vnd
irer kynder vormundere etc.

Wollet auch zu forderung der sachen, damit sei defter ehr ihr entschafft nemen moge, die Register der gebewde zu Drysen mit euch bringen. Datum etc. Vff obgeschriebene Zeit ist auch viuiantz von wedell zu mellen hirher bescheyden, dem handell nachzukommen.

Nach der Urschrift.

CVI. Kurfürst Joachim und Markgraf Albrecht genehmigen, daß Bisanz von Wedel das Schloß Driesen von der Wittwe Christophs von Polenz wiederkaufe, am 16. Juli 1504.

Von godes gnaden wir Joachim, des heiligen Romischen Reichs Ertzkamerer, kurfürst, vnd Albrecht, gebruder, Marggrauen zu Brandenburg, zu Stettin, Pomern, der Cassuben vnd wenden Hertzogenn, Borggrauen zu Nuremberg vnd fursten zu Rugen, Bekennen etc. — das wir vnserm Rath vnd liben getrewen viuiantz von Wedell vnd seinen Rechten erben Rechter redlicher schult schuldig sein vnd gelden sollen einvndzwentzig hundert gulden reynis, die er der wolgeborenen vnd Edelen vnser liben getrewen Elizabeten, geborne Greynne von ewerlstein, frawe tho Nawgarden, er Cristoff von Palentz seliger nagelassene witwe, von irer vnd irer kynder wegen zu ablassunge das slos drysen, so sy Ingehabt vnd In vorschriben gewest, nemlich fessleynhalf hundert gulden an golde, die er Cristoff von Palentz Inhalt seiner briue dar vff gethan vnd vffgegeben vnd Sibenthalf hundert gulden an muntze, ye zwevnddreissig groschem merckys vor eynen gulden, vor etlich gebwe, dy derselbe von Palentz seliger vp solchem slos vpperichtet, zu gantz vorbracht vnd bethalet best. Sulch bezalunge wir Im och hir mit vor vns, vnsern Erben vnd Nachkomende quidt, ledig vnd los lassen, dargegen wir Im vnd seinen Erben vnser Slos drysen, In vnser Newen marck vber der odder gelegen, mit allen vnd itzlichen seinen nutzbarkeyt, Zinsen, Renthen, zugehorungen vnd Inkomen, was ader wor an das ist, vnd von alter darzu gehort vnd gelegen, In allem forme vnd wyse, also dat selbige vnser slos der gnante er Cristoff von Palentz seliger vnd noch seinem abgange de gemelte seine nachgelassen wedwe Ingehath, besessen, genathen, nichts vthgenomen, zu einem Rechten wedder kauf verkauft haben vnd verkauffen Im das zu einem rechten widderkauff In uffgeschriebener maß In craft vnd macht dieses briues, Also das he vnd seine erben das gnante slos drysen mit allen seinen zinsen, renthen, zugehorungen vnd zuhorungen also vorbenumeth In hebben, sich der gebrauchen, dat he dar neben halden mothe wechter, dorwerder vnd alle Andere notturflige sachen getrewlich vorforgen, bestellen vnd das gebuete an solchem slos bey seinen weren holden, darzu vns, vnsern erben von